

Headlines

1. मुख्मन्त्री उमर अब्दुल्ला होरें भवन ते शैहरी विकास मैहकमे दे पुनगठन सरबन्धी प्रस्ताव दी समीक्षा कीती ते मैहकमे दे कम्में-कारवाइएं ते सेवाएं च बेहतरी, कुशलता ते जवाबदेही पर जोर दित्ता।
2. राई-बाई मैहकमे दे मंत्री शिवराज सिंह चौहान होरें आखेआ ऐ जे सिंधु जल समझौते गी रोकने कन्नै उत्तर भारत दे राज्यें गी मता फैयदा पुज्जोग।
3. राज्य जांच एजेंसी-एस.आई.ए नै सुरनकोट च इक मंदरै पर होए दे ग्रेनेड हमले आहले मामले च द'ऊं आतंकवादिएं खलाफ चार्जशीट दाखल कीती ऐ।
4. मंत्री जावेद अहमद डार होरें विकसित कृषि संकल्प अभियान दी वर्चुअल बैठक च हिस्सा लैता।
5. IPL च लखनऊ सुपर जायंट्स, सनराइजर्स हैदराबाद कोला हारियै प्लेऑफ दी द्रौड शा बाहर।

<><><><><><>

CM-Meeting

मुख्मन्त्री उमर अब्दुल्ला होरें कल इक मीटिंग दी अध्यक्षता करदे होई भवन ते शैहरी विकास मैहकमे हेठ एजेंसिएं ते विभागें दे पुनगठन बारे प्रस्तावित सुझाएं दी समीक्षा कीती। बैठका च असरदार ते टिकाउ अमल आवरी लेई संगठनात्मक छमता च बाद्दा करने दी जरूरतै पर जोर दित्ता गेआ। भवन ते शैहरी विकास मैहकमे दियां कमिशनर सैकरेटरी मंदीप कौर होरें प्रस्तावित विभागीय पुनगठन बारै व्यापक ब्यौरा मीटिंगा च रक्खेआ जेदा मकसद मैहकमे दे बक्ख-बक्ख सीगें ते सेक्शनें दिएं जिम्मेवारिएं ते इख्तयारें गी नमें सिरेआ तैह करना ऐ तां जे समूलचे जम्मू-कश्मीर च ओदिएं सेवाएं-सुविधाएं गी असरदार ढंगै सिर ते पूरी स्पष्टता कन्नै लोकें तगर पुजाया जाई सकै। उनें दस्सेआ जे एहदे नै पैहें ते मनुक्खी वसीलें दा सेही-सेही ते पूरा-पूरा इस्तेमाल करदे होई शैहरी शासन बवस्था गी मता निगगर, कुशल ते असरदार बनाया जाई सकोग।

<><><><><><>

Shivraj-IWT

केंद्री राईबाई मंत्री शिवराज सिंह चौहान होरें आख्ेआ ऐ जे सिंधु जल समझौते गी रोकने नै उत्तर भारत दे राज्यें ते स्हाड़े करसानें गी बडा मता लाहू होग। मंत्री होरें एहू गल्ल नमीं दिल्ली च मुल्ल भरै थमां करसानें दे बक्ख-बक्ख समूहें कन्नै गल्ल करदे होई आखी।

चौहान होरें इस गल्लै पर जोर देइयै आखेआ जे इस पानी दे इस्तेमाल बारै इक व्यापक रणनीति तैयार कीती जाग तां जे एहदा मते कोला मता लाहू सब्बनें लेई यकीनी बनी सकै।

<><><><><><>

SIA-Chargesheet

राज्य जांच एजेंसी एस.आई.ए नै 15 नवंबर 2023 गी पुंछ जिले दे सुरनकोट इलाके च इक मंदरै पर होए दे ग्रेनेड हमले दे सिलसिले च दउं आतंकवादिणं खलाफ चार्जशीट दाखल कीती ऐ। इंदे च इक पुंछ दे हरि सफेदा सुरनकोट दा बसनीक अब्दुल अजीज ते दुआ पाकिस्तान च रवा करदा नजीर अहमद उर्फ नजीरू उर्फ अली खान शामिल ऐ। शुरूआती जांच थमां पता लगा ऐ जे अब्दुल अजीज नै एहू ग्रेनेड हमला कीता हा जेदे लेई उसी निर्देश नजीर अहमद नै दित्ते हे जेड़ा पाकिस्तान च रवा'करदा ऐ ते उत्थुआं आतंकी वारदातें गी अंजाम दोआंदा ऐ। उआं नजीर अहमद बी अस्सल च सुरनकोट दे हरि सफेदा दा रौहने आहला ऐ।

<><><><><><>

Op. Sindoor

समूलचा मुल्ल इनें दिनें आप्रेशन सिंदूर दी कामयाबी दा जश्र मना करदा ऐ जेदे तैहत पाकिस्तान ते पाकिस्तान दे नजैज कब्जे आहले जम्मू-कश्मीर च आतंकवादिणं दे 9 ठकानें ते सिखलाई कैंपें गी तबाह करी दित्ता गेआ हा ते 100 कोला मते खतरनाथ आतंकवादिणं दा सफाया करी दितता हा। आतंकी ठकानें खलाफ इस कार्रवाई दी तस्दीक आपूं पाकिस्तान सरकार ते मसूद अजहर जनेए खतरनाक आतंकवादी बी करी चुके देन। इस कामयाबी दा जश्र मनाने लेई जित्थे तरंगा रैलियां कड़ियां जा'रदियां न, उत्थे गै समाज दे बक्ख-बक्ख वर्गें दे लोक बी भारतीय फौज दी इस कामयाब ऐतिहासिक कार्रवाई गी सराहना करदे न।

<><><><><><>

Tiranga-Rally CUJ

देशभक्ति, इकजुटता ते राश्ट्रीय गौरव दी भावना गी दर्शादे होई .. कन्नै रलियै सेंट्रल यूनिवर्सिटी जम्मू दे एन.एस.एस डिपार्टमेंट नै कैंपस च तिरंगा जात्तरा दा आयोजन कीता। इस रैली दी अगुवाई वाइस चांसलर प्रो. संजीव जैन होरें कीती जेदे च विद्यार्थियें, अध्यापक ते प्रशासनिक अमले नै हत्थें च तिरंगे फड़िए वंदे मातरम ते भारत माता की जय दे नारे लांदे होई देसै ते फौज कन्नै अपनी इकजुटता दस्सी।

<><><><><><>

Dar-Viksit Krishi

राई-बाई मंत्री जावेद अहमद डार होरें श्रीनगर च सिविल सचिवालय थमां कल इक वर्चुअल बैठक च हिस्सा लैता। एहू बैठक केंद्री राई-बाई मंत्री शिवराज सिंह चौहान हुंदी अध्यक्षता च कल कृषि भवन दिल्ली च आयोजित कीती गेदी ही जेदे च केंद्री मंत्री शिवराज सिंह चौहान होरें सब्बनें राज्यें ते केंद्र शासित प्रदेशें दे कृषि मंत्रियें कन्नै गल्लबात कीती ते 29 मेई थमां शुरू होने आहले विकसित कृषि संकल्प अभियान दी तैयारियें बारे विचार-विमर्श कीता। एहू मुहिम 12 जून तगर जारी रौहग जेदा मकसद करसानें गी सशक्त बनाना ऐ ते राई-बाई विकास पर मुख करी ध्यान केंद्रित करना ऐ। बैठक दौरान इस अभियान तैहत तय कीते गेदे लक्ष्यें गी हासल करने लेई रणनीतियां तैयार करने बारै व्यापक गल्लबात बी कीती गेई।

<><><><><><>

PM-MKB

प्रधानमंत्री नरेन्द्र मोदी होर इस म्हीनें दे अखीरले एतवारें यानि 25 मेई गी आकाशवाणी पर प्रसारित होने आहले अपने महावार रेडियो कार्यक्रम मन की बात राए देश विदेश च रोहने आहले लोकें कन्ने अपने विचार सांझा करडन। एहू इस प्रोग्राम दी 122मीं कड़ी होग। लोक अपने विचार ते सुझा टोल फ्री नम्बर 800-11-7800 पर भेजी सकदे ना। एदे अलावा लोक अपने सुझा ते विचार नरेन्द्र मोदी एप ते माई गोव ओपन फोर्म पर बी भेजी सकदे ना। इन्दे च चुने गेदे किश सुझाएं गी प्रधानमंत्री होरें अपने कार्यक्रम च शामिल करडन। अपने विचार ते सुझा भेजेने दी अखीरी तरीक 23 मेई ऐ।

<><><><><><>

DC-Rajouri Bunkers

राजौरी दे डिप्टी कमिशनर अभिषेक शर्मा होरें हाल च बन्ने पारा होई दी गोलाबारी कन्नै प्रभावित होई दी पंचैतें दी स्थिति दा जायजा लैता ते बंकर बनाने लेई लोडचदी चीजें दी जरूतें दा आंकलन बी कीता। बैठक दौरान डी.सी होरें गोलाबारी कन्नै प्रभावित परोआरें दी स्थिति बारै जानकारी बी हासल कीती। उनें भरोसा दोआया जे जिले च बंकर बाने दी सब्बै लोडचदी सहूलतें दा इंतजाम कीता जाग।

<><><><><><>

DC-Poonch SWD

पुंछ दे डिप्टी कमिशनर विकास कुंडल होरें समाज कल्याण मैहकमे दे कम्मै-काजै दी समीक्षा करने लेई इक बैठक दी अध्यक्षता कीती। इस दौरान उनें जिले च बक्ख-बक्ख स्कीमें दी अमलावरी बारै व्यापक जायजा लैता। उनें इस गल्लै पर जोर पाया जे सरकारी स्कीमें दा लाहू समाज दे अखीरले माहनू तोड़ी पुजाना यकीनी बनाया जा ते एहदे लेई पारदर्शिता बनाई रखनी लोडचदी ऐ। एहदे अलावा मुख् करी ध्यान पेंशन सरबंधी योजनाएं पर दित्ता गेआ तां जे बुजुर्ग, विधवा ते दिवयंग लाभार्थियें दी भलाई-बेहतरी यकीनी बनाई जाई सकै।

<><><><><><>

Ramban-Fisheries

मछुआरें ते उंदे परौआर आहलें दी भलाई-बेहतरी लेई उनेंगी माली मदाद उपलब्ध करोआने दे मकसद कन्नै रामबन दे मच्छी पालन मैहकमे आसेआ बक्ख-बक्ख केंद्र आसेआ प्रायोजित योजना चलाई जा रदियां न जिंदे चा इक ऐ JKCIPI। इस स्कीम दा मकसद राई-बाई ते ओहदे कन्नै जुडे दे कम्में च बेहतरी आहनना। दबोए-लतडोए दे लोकें गी मदाद उपलब्ध करोआना ते ग्रामीण ते दूर-दरेडे इलाकें च रौहने आहले परौआरें दी औंदन च बाहा करना ऐ।

<><><><><><>

IPL

IPL क्रिकेट च जंदी रातीं सनराइजर्स हैदराबाद नै लखनऊ सुपर जायंट्स गी 6 विकटें कन्नै हराई दित्ता जेदे कन्नै लखनऊ दी टीम Playoffs थमां बाहर होई गई ऐ। लखनऊ दी टीम नै पैहले बल्लेबाजी करदे होई 20एं ओवरें च 7एं विकटें दे नुकसान पर 205 रन्ज बनाए जेदे परते च हैदराबाद दी टीम नै 19में ओवर च गै चार विकटें दे नुकसान पर जितत दा लक्ष्य हासल करी लैता।

